

drunder & drüber

Komödie in 2 Akten von Leopold Ramhapp

Frei nach einer Grundidee von Marc Camoletti

Personen:

2 Damen / 3 Herren

Stefan Spiegel – Ehemann

Jaqueline Spiegel – Ehefrau

Robert Stüssi – Freund von Stefan

Susan – Geliebte von Stefan

Susi – Köchin/Transvestit

Inhalt:

Eine heisse Liebesnacht verspricht sich Stefan mit seiner Geliebten. Doch die Planänderung seiner Frau macht ihm einen Strich durch die Rechnung. Sein Freund Robert soll ihm aus der Patsche helfen, doch dieser hat selber kleinere und grössere Geheimnisse und staunt, dass sich die Geliebte seines besten Freundes plötzlich als Mann entpuppt...

Bühnenbild:

Wohnzimmer am frühen Abend. Es handelt sich um ein Landhaus, das mit Stil und Geschmack renoviert wurde. Bühne Mitte ist die Eingangstüre. Links eine Türe zur Küche. Rechts eine Tür zum Gästezimmer. Halblinks führt eine Treppe zum oberen Stock ins Schlafzimmer. Falls Treppe nicht möglich, ein Rundbogen wo dahinter eine imaginäre Treppe ins Obergeschoss führt. Ausserdem ein Barwagen, ein niedriges Sofa, ein Sessel.

1. Akt

1.Szene

Stefan, Jaqueline

Der Vorhang geht auf/Musik läuft

- | | | |
|---|-----------|--|
| 1 | Stefan | <i>(Kommt durch Haustüre nimmt Mantel ab, legt Schlüssel zur Seite, nimmt Weinflasche und ein Glas heraus und stellt beides auf den Wohnzimmertisch und geht dann in Küche - ab.)</i> |
| 2 | Jaqueline | <i>(Kommt aus Schlafzimmer, will sich fertig machen um zu gehen. Sieht Wein, schenkt sich ein und nimmt Glas mit ins Gästezimmer rechts - ab)</i> |
| 3 | Stefan | <i>(Kommt aus der Küche, will sich Wein einschenken und merkt, dass das Glas fehlt. Schaut einen Moment um sich, hat keine Ahnung was los ist und geht dann in die Küche um ein neues Glas zu holen – ab.)</i> |
| 4 | Jaqueline | <i>(Kommt mit leerem Glas aus dem Gästezimmer, schaut kurz in den Spiegel, macht sich zurecht, schnappt sich die Weinflasche und geht in ihr Schlafzimmer – ab.)</i> |
| 5 | Stefan | <i>(Kommt aus der Küche mit neuem Glas in der Hand und will sich einschenken, merkt aber, dass jetzt die Flasche fehlt. Wird misstrauisch, vermutet einen Einbrecher, holt sich Baseballschläger und sucht Zimmer ab.)</i> |
| 6 | Jaqueline | <i>(Kommt aus dem Schlafzimmer, bemerkt Stefan, beobachtet ihn einen Moment)</i>
Was häsch denn Du für Problem? |
| 7 | Stefan | <i>(Erschrickt wie verrückt)...</i> Bisch Du wahnsinnig!! |
| 8 | Jaqueline | <i>(Nimmt Stefan liebevoll in den Arm und tröstet ihn)</i>
Aber Schatz, ganz ruhig, muesch doch nöd eso verschrecke, bi doch nur ich! |
| 9 | Stefan | Ich han meint es seg en Ibrecher im Huus, womer ständig de Wii chlaut! Wieso bisch denn Du da, Du söttisch doch scho lang bi Dinere Muetter sii? |

- 10 Jaqueline Du weisch doch, wenn Fraue mitenand schwätzed, chas scho mal e chlei später werde. Aber janu, jetzt hani denn grad alles binenand und bi parad zum go. **(Lässt Stefan los und geht ins Schlafzimmer – ab.)**
- 11 Stefan **(Nimmt Handy aus der Tasche und schreibt SMS, liest laut, während er immer wieder kontrolliert, dass Jaqueline nicht kommt)**
Freue mich schon sehr mit Dir heute Abend Deinen Geburtstag zu feiern mein süsser Schatz Fratz! Bitte komm bald, ich sehne mich nach Dir, liebe Grüsse Stefan!
(Lacht frech, wird abrupt ernst, legt Handy auf Kommode und ruft zu Jaqueline ins Zimmer)
Schatz, bitte mach vorwärts, Dis Mami wartet!
- 12 Jaqueline **(Kommt aus Schlafzimmer und hat den Mantel bereits an.)** Bisch sicher, dass ich Dich z ganz Wucheend eifach eso chan ellei loo?
- 13 Stefan Aber Schatz – natürli – warum au nöd?
- 14 Jaqueline Ja es bitz es schlechts Gwüsse han i schoo!
- 15 Stefan Nei, das muesch überhaupt nöd haa. Ich bi ja keis Baby mee. Usserdem isch es au emal schön, eso ganz ellei für sich es Wucheend z gnüsse. ---
Schatz bitte mach vorwärts, Dini Muetter wartet!
(Geht zur Tür und macht auf)
- 16 Jaqueline Sehr charmant, da cha's öpper nöd erwarte, bis d Frau usem Huus isch.
- 17 Stefan Nei! Ich will nu nöd dass z Mami muess warte!
- 18 Jaqueline Du, ich weiss genau wie's läuft! Muesch mir gar nüüt vor mache! Wenn ich weg bi, wirsch Du zum Teenager!
- 19 Stefan Ja chasch denke! Ich ha mir für mis einsame Wucheend fix vorgnoo, dass ich mich bewege. Sport, Sport und nomal Sport und ich will das Buech lese wo Du mir gschenkt hesch – „Gesünder leben mit Kräutern“ das interessiert mi wahnsinnig!!
- 20 Jaqueline **(Liebevoll, lachend)** Du lüügsch!
- 21 Stefan Nei überhaupt nöd!
- 22 Jaqueline Lueg Stefan, ich weiss genau wie's isch. Wenn ich weg bi, issisch die ganz Ziit nur Chips und Schoggi, knallsch Di vor de Fernsee und luegsch ein Film nachem andere.

23 Stefan **(Nimmt Jaqueline ungeduldig an der Hand)**
Schatz, bitte – Dis Mami wartet!

24 Jaqueline **(Sieht Stefans Handy auf der Kommode und verwechselt es mit ihrem)**
Jesses, jetzt hetti bald no mis Handy vergesse!
(Nimmt Stefans Handy, geht Richtung Schlafzimmer und stoppt plötzlich, während sie auf's Telefon schaut)
Das isch ja gar nöd mis Handy! Du hesch es SMS!

25 Stefan **(Sehr besorgt)** E Nachricht?

26 Jaqueline **(Liest vor)** Thai Catering: Buchungsbestätigung heute Abend....

27 Stefan Was?

28 Jaqueline ...Thai Catering Ankung 19 Uhr 30 – für Sie kocht Susi!

29 Stefan Aha – Wer?

30 Jaqueline Susi!

31 Stefan Ahaaa?

32 Jaqueline **(Etwas drohend)** Stefan!

33 Stefan Jaqueline

34 Jaqueline Stefan!

35 Stefan Jaqueline!

36 Jaqueline **(Streckt Stefan Handy entgegen)** Was bedüütet das?

37 Stefan Öhm – tja – offebar chunnt öpper go chochä!

38 Jaqueline Offebar!

39 Stefan Lueg Schatz. Ich ha Dir nöd ganz d Wahrheit gseit. Ich bi a dem Wucheend nöd ganz ellei.

40 Jaqueline Aha!

41 Stefan Nüüt aha – es isch nöd so wie Du denksch! Ich han en Manne-Abig organisiert!

42 Jaqueline En Manne-Abig?

43 Stefan Ja – womer Sache mached, wo richtigi Manne halt eso

mached!

- 44 Jaqueline Und wer sind die richtige Manne?
- 45 Stefan De Robert und ich
- 46 Jaqueline Wer?
- 47 Stefan **(Eindringlich)**
De Robert! Üsere Trauzüüge, min Fründ!
- 48 Jaqueline Ja, aber de Röbi isch doch z Genf?
- 49 Stefan Nei ebe nöd, er isch zrug und drum han ich mir denkt,
wenn Du scho zur Muetter fahrsch, verbringed mir en
richtig coole Manne-Abig, mit Bier, Wii, Film und natürlich
en Huufe Games.
- 50 Jaqueline **(Ganz ausser sich)**
De Robert!
- 51 Stefan Ja, de Röbi!
- 52 Jaqueline De Robert chunnt und Du seisch mir nüüt?
- 53 Stefan Ja und jetzt, isch doch völlig egal! Ich ha nöd welle, dass
Du Dir Sorge machsch und am Schluss no meinsch
müessisch für üüs chochä! Nei – drum han ich z
thailändische Catering bstellt – die chocht für üüs!
- 54 Jaqueline Aha! Und de Robert bliibt z ganze Wucheend?
- 55 Stefan Ja – bis am Sunntig-Abig!
- 56 Jaqueline Und wenn chunnt er?
- 57 Stefan Er müesst eietlich scho da sii, er chunnt sicher jede
Moment!
- 58 Jaqueline **(Sitzt leicht schockiert auf's Sofa)**
Aha!
- 59 Stefan **(Nimmt Jaqueline's Hand und begleitet sie zur Tür)**
Schatz, Du gseesch, ich han alles im Griff, es isch alles
plant für mich und de Robert und Du gaasch jetzt ruck
zuck zu Dinere Muetter und seisch mim geliebte
Schwigermami schöni Grüess!
- 60 Jaqueline **(Stoppt plötzlich)**
Aber min Koffer isch doch no im Schlafzimmer!
- 61 Stefan Ich hol Dir Dine Koffer, aber bitte Schatz, mach vorwärts,
nöd dass sich d Muetter no Sorge macht.

(Geht ins Schlafzimmer – ab.)

NICHT KOPIEREN

2.Szene

Stefan, Robert, Jaqueline

- 62 Jaqueline ***(Nimmt Handy aus der Tasche und telefoniert hastig, während sie immer wieder kontrolliert, dass Stefan nicht kommt)***
Robert? – Röbi seg emal wo bisch Du? Ich ha grad z ganze Wucheend zu minere Muetter welle fahrä und denn seit mir de Stefan, dass Du da hane chunnsch! ***(Pause)***
Sit wenn bisch den Du zrugg us Genf? Ja und denn hesch Du mir nöd emal aglüütet! ...Also Bääärlü!!
Ich seg Dir jetzt eis, es chunnt überhaupt nöd i Frag, ich blibe z ganze Wucheend da – ich vermiss Dich doch, ich han sit drüü Wuche nümme mit Dir gschmuused, ich weiss nöd emal mee wie das gaat! Wo bisch denn jetzt? Im Taxi? Ja aber denn bisch ja jede Moment da! Aaah, Bääärlü – chumm schnell ich warte uf Dich – muesch nöd lüüte – ich bi i de Stube! Tschüss – bis nachher!
- (Zieht Mantel aus und telefoniert nochmals)***
- Mami – hoi ich bin's! – Ja, ich bi immerno dihei. Du - ich muess leider absege – ich cha nöd choo. Ich ha plötzlich d Gripp verwütscht, ich ha Fieber und muess erbereche und cha jetzt unmöglich autofahre. Es tuet mer leid. ---- Ja ich ha mi doch au gfreut, aber ich versprich Dir, dass mer das bald naaholed, gäll! Danggä villmal – ja, ja, - tschüüss!
- 63 Robert ***(klopft an Haustüre)***
- 64 Jaqueline ***(Macht Türe auf und fällt Robert an den Hals)***
Bääärlü! Endlich, ich ha Di scho so vermisst!
- 65 Robert ***(Ihm ist es etwas peinlich, will vorsichtig sein)***
Jaqueline, Jaqueline – pass uuf, wo isch denn de Stefan?
- 66 Jaqueline De isch dobe! ***(Umarmt und küsst ihn innig)***
Oh Bärli!
- 67 Robert Jaqueline, mir müend uufpasse!
- 68 Jaqueline Ach chumm, tue nöd so langwiilig! Ich bliibe uf jede Fall da – mir hend eus jetzt drüü Wuche nöd gsee und ich bi schärfer als jedes Thai-Curry!
- 69 Robert Bisch Du wahnsinnig, und Din Maa?
- 70 Jaqueline De fülled mer ab und kennsch ja de Stefan. Wenn de zwei drüü Gläsli z vill ghaa het, isch er eso zue, dass er nöd emal mee sini Muetter kennt. Denn tüemmer ne ids Bett

und mir hend üseri Rueh – ah Bäärli!

- 71 Robert Ja aber, mit Dir schmuuse, währed din Maa im Huus isch
- 72 Jaqueline **(Forsch)** Jetzt bis kein Angsthas – mach mir de Bär!
- 73 Robert Also guet! **(Umarmt und verschmust sie innig und lassen sich auf das Sofa fallen)**
- 74 Stefan **(Aus dem Off)** Schatz! --- Schaatz!
- 75 Jaqueline **(Beide erschrecken, Robert kriecht kurzerhand und ohne zu überlegen in den Barwagen, der mit einem weissen Tuch überdeckt ist und versteckt sich. Jaqueline ist einen kurzen Moment erstarrt, kann Roberts Versteck erst gar nicht fassen, steht auf und macht sich dann zurecht)**
Ja, was isch denn?
- 76 Stefan **(Kommt aus Schlafzimmer)**
Hesch Du Dini Autoschlüssel?
- 77 Jaqueline Natürli, ich han alles. Aber Stefan, ich muess Dir öppis sege. Ich bi grad mit em Mami am Telefon gsii.
- 78 Stefan **(Geht zum Barwagen, schenkt sich ein und macht Pommes Chips-Pack auf)**
Jaqueline, mach bitte vorwärts, Du weisch, dass sich d Muetter wider unnötig Sorge macht, wenn d' spaat chunnsch.
(Geht auf Jaqueline zu, sodass der den Barwagen nicht sieht. Robert streckt Arm unter dem weissen Tuch heraus und fährt mit dem Barwagen davon vor dem Sofa durch Richtung Ausgang)
- 79 Jaqueline Ich blibe da!
- 80 Stefan Was!
(Will Pommes Chips in Schüssel auf dem Barwagen leeren, stattdessen landet alles auf dem Boden. Erschrickt und schaut dumm zum Barwagen)
Ah, de blöd Barwage, hebed scho wider nöd!
(Geht kurz in die Küche, holt Schaufel und Besen um die Pommes Chips aufzuräumen und spricht währenddessen)
Aber Du chasch doch jetzt nöd daablibbe! Jetzt hesch doch scho abgmacht und weisch wie entüuscht isch dini Muetter! Usserdem isch mis Mannewucheend au scho fix planed – machsch allne en Strich dur d Rechnig. Alles isch organisiert, ich freu mich uf cooli Film und lässigi Games, ohni dass Du ständig driischnäderisch, und jetzt wettsch eifach daablibbe! Schaaatz!

- 80 Stefan **(Legt die Schaufel kurz zur Seite, holt den Barwagen und stellt ihn wieder zurück, wo er war, geht dann wieder zu Jaqueline und umarmt sie)**
Schatz, ich vermiss Dich jetzt scho, aber trotzdem müemmer üüs jetzt a de Wucheendplan halte.
- 81 Jaqueline **(Robert streckt die Hand erneut aus und fährt mit dem Barwagen wieder davon. Stefan und Jaqueline immernoch umarmt)**
Ich ha mit em Mami telefoniert – sie het d Gripp, liit mit Fieber im Bett und ich ha kei Lust mich aazstecke!
Usserdem bin ich üüch nöd im Weg, im Gegeteil: Ich freu mich denk au, de Robert wider emal z gsee!
- 82 Stefan **(Dreht sich um, Barwagen ist wieder weg, erstarrt einen Moment, ärgert sich dann und will den Barwagen holen, Jaqueline kommt ihm aber zuvor)**
Aaah, das git's nöd oder!
- 83 Jaqueline Chumm lass es sii, beruhig di, ich mach das.
- 84 Stefan Also guet! **(Geht zu Schaufel, Besen und Scherben, nimmt alles und geht mit dem Abfall in die Küche.)**
- 85 Jaqueline **(Währenddessen nimmt Jaqueline den Wagen und lässt Robert aussteigen)**
Chasch füre-choo, aber schnell, d Luft isch rein!
- 86 Robert Oh Mann, weisch wie isch das ugmüetli da unne.
- 87 Jaqueline **(Umarmt und beruhigt ihn)**
Derfür mach ich's Dir bald vill gmüetlicher.
- 88 Robert **(Löst sich aus ihrer Umarmung)**
Hör uuf Jaqueline, mir dörfed das nöd. De Stefan isch min Fründ, ich bi üchere Trauzüüge und überhaupt, das git Stress!
- 89 Jaqueline Chumm jetzt, bis en Maa!
(Geht ins Schlafzimmer spricht weiter, wirft dann die Tür vor Roberts Nase zu, der im Wohnzimmer bleibt.)
Wenn ich scho en Affäre han, denn mit eme wilde Stier und nöd mit eme lahme Geissbock!
- 90 Robert **(Vor verschlossener Schlafzimmertür, jammernd)**
Aber Jaqueline, jetzt tue doch nöd so!
- 91 Stefan **(Kommt aus der Küche und spricht immernoch zu Jaqueline)**
Also weisch, ich find's immernonig guet, dass dini Muetter

jetzt eifach im Stich laasch!
(Stefan und Robert erschrecken ab dem jeweils anderen) Robert!

- 92 Robert Stefan!
- 93 Stefan Robert!
- 94 Robert **(zaghafter)** Stefan!
- 95 Stefan **(etwas böse und fragend)**
Roobert!
- 96 Robert **(schüchtern)** Ja, ich bis!
- 97 Stefan Wie chunnsch Du da ine?
- 98 Robert D Jaqueline het mer uufgmacht, bi de Moment choo!
- 99 Stefan Und wo isch d Jaqueline?
- 100 Robert **(Zeigt auf Schlafzimmer)**
Da inne!
- 101 Stefan **(Ganz nervös)**
Robert, ich muess ganz dringend mit Dir rede. Mir hend nöd vill Ziit.
- 102 Jaqueline **(Kommt aus dem Schlafzimmer)**
Ah, Du hesch de Robert scho gsee!
- 103 Stefan **(Künstlich erfreut)**
Ja, ja, ja - ich ha mi ja so gfreut. De Robert isch da –
chumm lass Di umarme, ha di scho so lang nümme gsee!
- 104 Robert **(Steht da wie ein Schirmständer und lässt sich umarmen. Lacht gequält und verdreht die Augen)**
Ja ich freu mi au!
- 105 Jaqueline Also, denn mach ich jetzt z Gästezimmer für Dich parad.
Ihr hend enand sicher vill z verzelle!
- 106 Stefan/Robert **(Nicken beide und starren Jaqueline an)**
Ja, ja, ja, ja, uaahh
(Jaqueline geht ab ins Gästezimmer)

3.Szene

Stefan, Robert, Jaqueline

- 107 Stefan Los zue! Ich ha dich doch hüt da hane iglade, dermit mer mitenand en Manne-Abig chänd mache!
- 108 Robert Ja!
- 109 Stefan Da druus wird nüüt!
- 110 Robert Ja will d Jaqueline da isch!
- 111 Stefan Ja ebe, aber ich ha no es anders Problem. Ich ha dich eigentlich da hane iglade, dermit du mis Alibi bisch. Ich bruuch dich als Vorwand für de Notfall!
- 112 Robert Was für en Notfall – ich chumm nöd druus!
- 113 Stefan **(Ganz nervös, geht zur Gästezimmertür und wieder zurück)**
Robert mir hend en Notfal. Mir hend en Notfall, mir hend en Notfall – en Notfall!
- 114 Robert Jetzt beruhig doch emal – was isch los!
- 115 Stefan Robert Du muesch mer helfe! Am beste isch, Du sitzisch ane! **(Beide setzen sich)**
- 116 Robert Was, isch eso schlimm?
- 117 Stefan Robert: Mir kenned üüs jetzt sit em Chindergarte, sind zäme dur dick und dünn –
(Abrupt Themawechsel)
Ich han öpper kenneglernt!
- 118 Robert **(Zynisch)**
So so!
- 119 Stefan **(Grantig)**
Nüüt so so – ja! Ich han e heimlich Affäre!
- 120 Robert **(Zynisch)**
So, so!
- 121 Stefan **(Schwärmend)**
Mit ere 26jöhrlige!
- 122 Robert **(Zynisch aber immer faszinierter)**
So, so!
- 123 Stefan Du wirsch es nöd glaube, aber sie isch es Model.

- 124 Robert **(Ungläubig)**
Was?
- 125 Stefan **(Steht auf und schwärmt weiter)**
Ja – Du sie isch unglaublich. Sie het en Körper wie de Eiffelturm.
- 126 Robert Het sie vier Bei?
- 127 Stefan Das isch kein Witz!
(Schwärmt weiter)
Ufem Laufsteg gseet sie uus wiene Engel. Blondi Haar, Schine bis a Bahnhof – Auge wie zwei Praliné, es Füdli wienes Rindsfilet....
- 128 Robert **(Steht auf und fährt Stefan ins Wort)**
....und Du es Hirni wienes Wiibeeri! Du chasch doch nöd eifach.....
- 129 Stefan Doch ich chan, ich han gar nöd andersch chöne. Sie het mich verzauberet. Ich sege Dir de Körper. Und wenn sie ufem Laufsteg so graziös derher chunnt.
(Macht die gleichen Schritte und Bewegungen wie Models auf dem Laufsteg)
- 130 Jaqueline **(Kommt aus dem Gästezimmer mit Bettlaken und beobachtet das Laufsteg-Theater)**
Bruuchsch es Zäpfli?
- 131 Stefan **(Erschrickt und tut so als hätte er einen Hexenschuss)**
Ahh, mis Chrüüz - ich glaub ich muess wider echli mee trainiere.
- 132 Jaqueline Das würd Dir sicher guet tue! Übrigens – wemmer a dem Wucheend no öppis wennd trinke, söttemer no go postne!
(Geht ab ins Schlafzimmer)
- 133 Stefan **(Versichert sich dass Gästezimmertüre zu ist und Jaqueline nichts hört. Sitzt dann wieder zu Robert auf Sofa)**
D Susan chunnt da hane.
- 134 Robert D Susan?
- 135 Stefan D Susan! Mini Fründin! Mir hend zäme welle Geburtstag fiire und jetzt gaat alles drunder und drüber, will d Jaqueline daa bliibt. Ich ha ja das alles nöd gwüsst, sie het welle zu de Muetter goo und jetzt isch die chrank und alles gaat id Hose.
- 136 Robert Genau!

- 137 Stefan Du muesch mir helfe! Wenn d Susan da hane chunnt, muesch sie als Dini Fründin vorstelle!
- 138 Robert **(Schaut zuerst erstarrt, fangt dann leicht an zu lachen)**
Nei, nei, nei – das isch das einzige, won ich nöd cha mache!
- 139 Stefan **(Scharf)** Du bisch min Fründ, das isch Dini Pflicht!
- 140 Robert Aber das gaat uf gar kein Fall! Ich bi nöd guet im Lüüge, das würd doch sofort ufflüüge! Ich kenn die ja gar nöd und sie kennt mich no vill weniger. Weisch was das für es Gnüel git – usserdem chan ich doch da nöd eifach mit ere Fründin uuftaucho, was würd denn Dini Frau derzue sege!
- 141 Stefan Aber das isch doch dere wurst!!
- 142 Robert Nei isches nöd!
- 143 Stefan Wieso?
- 144 Robert Ja will Dini Frau mini.....
(Wendet sich von Stefan ab)
Ooooouhhh
- 145 Stefan Was?
- 146 Robert ...Mini Kollegin isch, so wie Du – ich kenn sie sit Jaare und ich cha sie doch nöd eifach aalüüge!
- 147 Stefan **(Nimmt das Handy und ruft an)**
Ich bi sicher Du hesch das im Griff. Ich schriibe de Susan, dass mini Frau da isch und dass sie sich wege Dir nüüt söll amerke loo! Sie söll dini Fründin spille, ihr tüent wie zwei Turteltüübli und mir hend en super Abig.
(Schreibt hastig auf dem Handy)
- 148 Robert Stefan – bitte! Ich cha das nöd!
- 149 Stefan **(schreibt immernoch am handy)**
.....bitte mach mit, dann haben wir einen schönen Abend. Lass Dir nichts anmerken. Bussi Bussi!
- 150 Robert Stefan – das chunnt nöd guet, glaub mer's!
- 151 Stefan **(Schlägt Robert beruhigend auf die Schultern)**
Ich sege Dir, wenn d Susan zur Tür inechunnt, denn wird sie au Dich verzaubere! Ich zelle uf Dich!
- 152 Robert **(Umarmt Stefan gequält)**

Nei – ich cha das nöd! D Jaqueline durchschaut das sofort!

- 153 Stefan Gar nüüt wird sie. Lueg – d Susan wird i de nöchste paar Minute da sii. Ich gang mit de Jaqueline jetzt denn schnell go Getränk hole, und i dere Ziit hend ihr gnueg Glegeheit üch es bitz kennezlerne!
- 154 Robert **(Ganz nervös)**
Ich go hei – ich han gnueg!
- 155 Stefan Nei Du bliibsch da!
- 156 Robert Ich go jetzt hei – das Spieli mach ich nöd mit!
- 157 Stefan Also guet – aber ich sege de Jaqueline uf jede Fall, dass d Susan Dini Fründin isch!
- 158 Robert **(Wird immer lauter)**
Nei Du seisch öppis anders!
- 159 Stefan **(Laut)** Ich cha nüüt anders sege, Du bisch mis Alibi! --- Das isch en chliine Fründschaftsdienst.
- 160 Jaqueline **(Kommt aus Schlafzimmer bereits angezogen)**
Was ich denn bi üüch los?
- 161 Robert Ich muess hei, ich ha no ganz vill Sache z erledige!
(Will zur Haustüre gehen)
- 162 Jaqueline/
Stefan **(Rennen um Türe zu blockieren)**
Robert, das chunnt überhaupt nöd i Frag, Du bliibsch da!
(Jaqueline und Stefan schauen sich einen kurzen Augenblick an)
- 163 Stefan Wieso regt denn Dich das eso uuf?
- 164 Jaqueline **(Verlegen)**
Ja, öh – er muess doch uf all Fäll da bliibe – oder?
- 165 Stefan **(Abgelenkt)**
Ja natürli Robert, Du muesch uf jede Fall da bliibe!
Chumm Jaqueline, seg em, dass er da söll bliibe.
- 166 Robert Es tuet mer leid – ich muess....!
- 167 Jaqueline/
Stefan Du bliibsch da!
(Jaqueline und Stefan schauen sich wieder verdutzt an)
....öh – Robert, Du bisch jetzt erst grad choo, denn chasch doch nöd eifach wider go – Du bliibsch da!
- 168 Stefan Ja genau, denn simmer üüs enig – Du bliibsch da!

- 169 Jaqueline **(Nimmt Robert bei der Hand und setzt ihn auf den Stuhl)**
Robert chumm, beruhig Di, ich mach Dir jetzt öppis feins z tinke.
- 170 Stefan So Robert – jetzt chasch es de Jaqueline verrate!
- 171 Robert **(Springt auf, rennt zu Stefan und will ihn zum Schweigen bringen)**
Ich sege gar nüüt – es git gar nüüt z sege – hör uuf!
- 172 Stefan Er isch es bitzeli nervös!
(Zynisch)
Muesch doch nöd nervös sii!
- 173 Jaqueline Wege was denn?
- 174 Stefan Tja er isch nervös wegeme Gschichtli.
(Robert fleht Stefan an, während dieser weiterspricht)
Er will ebe nöd, dass es öpper erfahrt.
- 175 Jaqueline **(Etwas unsicher)**
Was dörf me nöd erfahre?
- 176 Stefan Ich han ihm gseit mir seged erwachseni Lüüt, mir chämed über alles rede – offe und ehrlich!
- 177 Jaqueline Über was denn?
- 178 Stefan Über sini heimlich Fründin!
- 179 Jaqueline **(Erschrickt und leert aus Versehen Wasser aus der Flasche auf den Boden)**
Was!?
- 180 Stefan Jaqueline – ich weiss alles.
- 181 Jaqueline Du weisch alles!!
- 182 Stefan Ja ja, de Robert het mir alles verzellt – es git kei Gheimnis mee!
- 183 Robert **(Geht dazwischen und versucht Jaqueline Zeichen zu geben, dass er nichts von ihrer Affäre verraten hat)**
Nei, nei Jaqueline, ich ha nüüt verrate – er weiss nüüt – er weiss nüüt!
- 184 Stefan **(Forsch)** Doch! Ich weiss alles!

- 185 Robert **(Dreht fast durch)**
Nei, nei Jaqueline, nei, Jaqueline, Jaqueline – nei, nei nei!
- 186 Stefan **(Schreit)**
Robert!!
(Kurze Pause)
Nöd nei nei nei, ja ja ja ja – sie isch dini Fründin!
- 187 Jaqueline Was!
- 188 Robert Nei, nei nei – Jaqueline..... nei.....
- 189 Stefan Jetzt beruhig di doch endlich, isch doch keis Problem –
bisch ja alt gnueg – dörfsch doch e Fründin haa!
- 190 Jaqueline Wie bitte?
- 191 Stefan Ja und – chunnts druuf aa – jede bruucht doch
zwüscheddure emal echli öppis für's Herz – oder?
(Dreht sich zu Robert um)
Usserdem – ich freu mich doch für üüch!
- 192 Jaqueline Ja guet also – wenn er's Dir wüerklich gseit het...
- 193 Robert **(Fällt Jaqueline ins Wort)**
....nimm's nöd ernst was er gseit het!
- 194 Stefan **(Zu Robert, laut)**
Jetzt gib's doch endlich zue!
- 195 Jaqueline Also guet – ich gibs zue!
- 196 Stefan **(Dreht sich zu Jaqueline um und ist ertaunt)**
Was wetschh DU zuegee?
- 197 Jaqueline **(Robert versucht ihr hinter dem Rücken von Stefan
zeichen zu geben)**
Ja, ich gibs tue.
- 198 Stefan **(Zu Robert)**
Sie git öppis zue, was git sie zue?
- 199 Robert **(Geht auf Jaqueline zu und gibt ihr immer wieder
Zeichen)**
Tjaa – lueg Stefan – sie git zue – das ich's zue gibe, dass
es für sie ok isch, dass es für mich ok isch, dass ich's
zuegee han, nachdem's ja für dich au ok isch, dass ich's
Dir gegenüber zuegee han! OK?

(Schaut ungläubig ins Publikum und zuckt nach einer kleinen Pause mit den Schultern)

OK!

NICHT KOPIEREN

4.Szene

Stefan, Robert, Jaqueline

- 201 Jaqueline Also ich muess sege Stefan, das überrascht mich jetzt
aber scho ziemli fest!
(Hält Robert an den Schultern von hinten fest)
- 202 Stefan Wieso, das isch doch normal!
- 203 Jaqueline Aber ich chume nöd druus, was isch da draa normal.
(Robert versucht ihr ständig zu erklären, dass Stefan nichts weiss)
- 204 Stefan De Röbi cha doch mit dene Fraue ids Bett won er will! Ich
schriibem da sicher nüüt vor!
- 205 Jaqueline Waas – tja und du bisch nöd entüüschet?
- 206 Stefan Neei – ich finds sogar grossartig, ich freu mich und finds
super und überhaupt – wo isch denn z Problem?
- 207 Jaqueline Stefan, ich muess sege, das überrascht mich, dass du
dich so drüber freusch, dass er e Affäre het mit dinere...
- 208 StefanSusan
- 209 Jaqueline Was, wer....
- 210 Stefan Susan
- 211 Jaqueline Ich verstoo keis Wort
- 212 Stefan Sie heisst Susan!
- 213 Jaqueline Wer?
- 214 Stefan Em Robert sini Fründin heisst Susan!
- 215 Jaquelineine Nei - das glaub i nöd!
- 216 Stefan Doch – Robert – seg's ihre.
- 217 Jaqueline Isch das wahr?
- 218 Robert Ich muess weg!
(Geht eilig zur Hautür)
- 219 Jaqueline Das glaub ich jetzt aber würklich nöd. Er het e neu
Fründin?
- 220 Stefan Jaa! Und stell Dir vor – sie isch es Modell!
(Fängt an zu schwärmen)

Het en Körper wie de Eiffelturm, Auge wie Praliné...

- 221 Jaqueleine Haallo!
- 222 Stefan Ja – und und de Robert isch so verliebt i sie, stimmt gell Röbi!
- 223 Robert **(Weiss nicht wie ihm geschieht, verzweifelt, nimmt ein Sofakissen und weint hinein)**
Ouuuh nei....
- 224 Stefan Also ich weiss nöd was mit dem los isch. Grad vorher het er no gseit, er seg eso verliebt und chuum het er erfahre, dass Du nöd zu dinere Muetter fahrsch, tuet er eso komisch.
(Forsch)
Und ich weiss nöd warum!
- 225 Jaqueline **(Forsch, laut)** Komisch!
(Wieder gemässigt)
..ich meine komisch – ich han au kei Ahnig warum?
- 226 Stefan Aber Schatz, es isch doch ok, dass er e Fründin het?
- 227 Jaqueleine **(Zynisch)** Ja natürlich, isch doch keis Problem – de Robert chan doch sovill Fründinne haa wiener will!
(Schaut böse zu Robert)
- 228 Stefan Und es isch für dich sicher au keis Problem, dass sini Fründin das Wucheend bi üüs verbringt.
- 229 Jaqueline Was?
- 230 Stefan Z Model – d Susan – sie chunnt da hane und bliibt übers Wucheend – isch doch schön oder? Denn lerned mer sie endlich emal kenne!
- 231 Jaqueleine **(Zynisch)** Ja sicher – ich freu mi wahnsinnig – Du weisch was – villicht werded mer ja die beste Fründinne – z Model und ich!
(Grantig)
Ach Gott, mached doch was er wennd – isch mir doch alles völlig egal!
(Wendet sich ab)
- 232 Stefan Lueg emal wie sie sich freut, Robert!
(Geht zu Robert, und macht Geste, dass alles ok ist)
Du, d Susan wird sicher jede Augenblick choo!
- 233 Jaqueline Ihr zwei hend üüch das Wucheend ja schön verplant.
- 234 Stefan Schatz, wemer gwüsst hettet, dass Du da bliibsch, hettet mir dich sicher mit iplant.

(Zieht Jacke an)

So Schatz – gömmer jetzt schnell d Getränk hole!

- 235 Robert Dörf ich bitte mitchoo? Ich sitze au schön brav hinde!
- 236 Stefan Nei, du muesch doch dini Susan begrüesse und ihre alles erchläre.
- 237 Jaqueleine Aber selvverständlich Robert, du mueschda bliibe, irgend öpper muess doch d Susan begrüesse!
(Zieht den Mantel an)
Schatz holsch du bitte scho mal z Auto.
- 238 Stefan Ohh Schatz, chumm doch grad mit!
- 239 Jaqueline Hol bitte z Auto!
- 240 Stefan Wieso wettsch denn nöd grad mitfahre!
- 241 Jaqueleine **(Sehr bestimmend)** Stefan! Hol z Auto!
- 242 Stefan **(Gehorcht und geht zur Tür)**
Bi scho unterwegs!
(Schlägt Robert noch gratulierend auf die Schulter)
De Robert! Esone Playboy – schleppt es Supermodel ab – ich bi stolz uf dich!
(Ab duch die Hautür)
- 243 Jaqueleine **(Böse zu Robert)**
Du Schwii!
- 244 Robert Bitte Jaqueline, es isch nöd eso wie's uusgseet!
- 245 Jaqueleine Wie isches denn?
- 246 Robert Ich weiss es selber nonig! Aber wenn ich's weiss, denn seg i der's!
- 247 Jaqueline Wo hesch sie kenneglernt?
(Geht drohend auf Robert zu)
- 248 Robert **(Verzweifelt)**
Uuhmm...
- 249 Jaqueline Wievil mal hesch scho mit ere gschlafe?
- 250 Robert **(Verzweifelt)**
Uuhmm....
- 251 Jaqueline Wie alt isch sie?
- 252 Robert **(Verzweifelt, weinend)**
Uuhmm.....

5.Szene

Robert, Susi (Köchin)

- 255 Robert Bravo – jetzt bin ich de Tubel. Danggä villmal Stefan – und so öppis isch min beste Fründ!
(geht zur Bar und schenkt sich ein)
Das gaat doch nöd, ich cha doch kei wildfremdi Frau als mit Fründin usgee...
(Nimmt einen kräftigen Schluck)
Das gaat nöd, das gaat nöd, das gaat nöd!
(Schenkt sich nochmal ein und trinkt das ganze Glas leer)
Na ja – villicht gaats ja gliich **(schwipps – es läutet. Robert geht zur Tür und öffnet.)**
- 256 Susi **(Kommt mit einem Gepäckrolley)**
Hallo schöne Maa! Ich bi d Susi!
- 257 Robert **(Kann nicht fassen, dass ein Mann in Frauenkleidern und stark geschminkt vor ihm steht. Er schaut zur Tür raus und versichert sich, dass nicht noch jemand kommt.)**
Wer sind sie?
- 258 Susi Ich bi d Susi – min Hübsche – bin ich da richtig bi de Familie Spiegel?
- 259 Robert Ja!
- 260 Susi Ja super – ich wär jetzt also da!
(Schüttelt Robert kräftig die Hände)
- 261 Robert **(Gibt Hand und schaut Susi von unten bis oben an)**
Guete A-abig!
- 262 Susi Was lueged sie so komisch? Sitzt mini Frisur nöd recht?
- 263 Robert Ja – äh Ei- Ei- Eiffelturm?
- 264 Susi Wie bitte?
- 265 Robert Äh, ich han mir sie ganz andersch vorgstellt! Isch ja gliich - Ich bi de Robert!
- 266 Susi Äh – seged sie nüüt – ich weiss Bescheid – sie sind de Fründ – de Wucheendbsuech – stimmts!
- 267 Robert Ja genau!
- 268 Susi Denn zeiged sie mir jetzt bitte alles und de Rest übernahm ich!
(Geht in die Wohnung, Robert schliesst die Tür)

269	Robert	Aber sie sind.... äh
270	Susi	Wie bitte?
271	Robert	Tschuldigung, aber sie sind doch en Maa!
272	Susi	Das hend sie aber guet beobachtet Schätzli. Aber sie müend sich nöd ablenke loo – die meiste stört das nöd!
273	Robert	(Geht ihr nach) Ja also guet! Es isch jetzt z erst emal wichtig, dass mir üüs richtig kennelerned.
274	Susi	Kennelerne? Wieso?
275	Robert	Na ja, de Abig isch no lang und mir müend perfekt vorbereitet sii, dermit nüüt schief gaat!
276	Susi	Äh chömed sie, da müend sie sich überhaupt kei Sorge mache. Sie überlönd eifach alles mir – ich kümmerere mich um alles!
277	Robert	Alles?
278	Susi	Ja natürli – er het mer ganz genau gseit, was er will.
279	Robert	(Versteht nichts) Aber, ich chumm nöd so recht druus.....
280	Susi	(Unterbricht ihn) Äh, äh, äh – ich han d Arbet und ihr hend z Vergnüege!
281	Robert	Tja – das mit em Vergnüege wird schwirig, sini Frau isch nämlich da!
282	Susi	Na ja und?
283	Robert	(Eindringlich) Sini Frau isch da! Sie sött eigetlich scho lang weg sii, het sich aber im letschte Moment umentschide und jetzt isch sie da!
284	Susi	Tja mit de Ehefraue isch das halt mengisch echli kompliziert! Gell min Hübsche!
285	Robert	Tschudligung aber ich bi es bitz verwirrt – beuuruhigt sie das nöd?
286	Susi	Nei überhaupt nöd – da hani scho vill komplizierteri Fäll ghaa!
287	Robert	Sie – mached das öfter?

288 Susi Ja lueged sie, ich chamers halt au nöd ussueche, ich
führe nur mini Uuftrag uus.

289 Robert Wie bitte?

290 Susi Ja schliesslich muess ich au vo öppis lebe!

291 Robert Was?

292 Susi Ja sicher!

293 Robert Das het mir de Stefan gar nöd gseit!

294 Susi Was

295 Robert Na ja, dass sie das brueflich mached.

296 Susi Doch sicher! Oder hend sie gmeint ich machi das zum
Spass.

297 Robert Das het er nöd gseit, dass sie das professionell mached.

298 Susi **(Forsch)** He, he, he – höchst professionell! Ich ha ja scho
früh agfange – das han ich alles vo minere Muetter
glernt. Und sit es paar Mönet loo ich mich au vonere
Agentur vermiddle.

299 Robert **(Lacht gequält)** Überne Agentur! Er het sie überne
Agentur bstellt?

300 Susi Ja klar!

301 Robert **(Wendet sich kurz ab, schüttelt ungläubig den Kopf)**
De Stefan, das gits ja gar nöd!

302 Susi So, und mit was fanged mer jetzt aa?

303 Robert Ach so – ja bitte, nennd sie Platz, ich muess ihne jetzt es
paar Sache über mich verzelle.

304 Susi **(Erstaunt)**
Wieso?

305 Robert Sie wüssed doch wie heikel die Situation isch?

306 Susi **(Sitzt auf Sofa)**
Heikel?

307 Robert Ja ja, sini Frau wird mit üüs zäme am Tisch sitze.

308 Susi Ja und?

309 Robert Ja und... und.... und.... de Stefan au!

310 Susi Und sie au?

311 Robert Ja sicher ich au! Aber verstönd sie – ein chliine Fehler und die ganz Gschicht flüügt uuf!

312 Susi **(Vorsichtig, schaut Robert von unten her an)**
Ich will eifach nur das wüsse, won ich muess wüsse!

313 Robert **(Steht auf und referiert)** Denn loseds mer jetzt bitte guet zue. Min Name isch Robert Stüssi, ich bi Buechhalter inere Computerfirma z Züri. Ich wohne aber z Glaris, ellei mit zwei Chatze. Ich bi de Truuzüge vom Stefan, bi gschide und 42gi.

314 Susi **(Frech)**
Na ja – segemer 50gi!

315 Robert Mini Hobbys sind Briefmarke-Versteigerige im Internet und Jogging.

316 Susi **(Frech)**
Wiit sind sie aber nonig grennt!

317 Robert Ich fahre en hellblaue Peugeot und vor eme halbe Jaar hends mer de Blinddarm usegnoo.

318 Susi Sie – wieso verzellet sie mir das alles?

319 Robert Sie müend doch wüsse won ich Narbe han?

320 Susi Narbe?

321 Robert Na ja, mir..... mir gönd doch mitenand ids Bett!

322 Susi Wüürkli?!
(Steht auf und geht zu ihrem Gepäck)

323 Robert Jetzt tüent sie doch nöd eso komisch, de Stefan het ihne doch gschriben.

324 Susi Aber e Übernachtig isch nöd abgmacht gsii!

325 Robert Ach so – heisst das – sie gönd nachem z Nacht wider hei?

326 Susi Ja, normalerwiis scho! Wenn de Service erledigt isch....

327 Robert **(Kann es immer noch nicht glauben und ist verzweifelt)**
Also wwenn und wie sie ihre Service erlediget, will ich gar nöd wüsse, aber sie müend bitte da übernachtet!

328	Susi	(Sitzt wieder auf Sofa) Aber wieso!
329	Robert	Wenn sie grad nachem z Nacht wider gönd, wird das wahrschiinlich unagnehmi Frage gee.
330	Susi	Ich bi jetzt es bitzeli durenand!
331	Robert	Sie und ich – mir müend eso tue wie wenn.....
332	Susi	...wenn was?
333	Robert	(Setzt sich auch aufs Sofa) De Stefan het doch gseit, dass mir zwei jetzt es Paar sind!
334	Susi	(Zuerst erstaunt und dann locker) Ach soo, sie wennd dass ich eso tue wien wenn ich ihri...
335	Robert	Genau!
336	Susi	Ah jetzt gaat mer es Liecht uuf! Ich muess üch us de Patsche helfe!
337	Robert	Das chame eso sege!
338	Susi	Und weiss ich, was ich vor de andere sege söll?
339	Robert	Sie seged eifach am beste immer z gliich wie ich, denn cha nüüt schief goo. Und es bitzli öppis chan ich ihne vo mir jetzt ja verzellt. Isch das guet für sie.
340	Susi	(Streckt die Hand aus und will Geld)
341	Robert	Isch das guet für sie?
342	Susi	(Macht mit der Hand nochmals nachgiebig Geste und verlangt Geld)
343	Robert	Ah, sie wennd Geld?
344	Susi	Ja, sie sind mir aber schlau!
345	Robert	(Nimmt Geldbörse aus der Tasche, nimmt 50er Note heraus und gibt sie Susi)
346	Susi	(Macht Geste, dass sie noch mehr will)
347	Robert	(Nimmt nochmals eine 50er Note und gibt sie Susi)
348	Susi	Wenn sie das verdopplet, bin ich derbi!

349	Robert	(Nimmt 100er Note aus der Briefftasche und gibt sie Susi)
350	Susi	(Steht auf) Herzliche Dank – sie müend sich kei Sorge mache – es wird alles zu ihrer z Frideheit erledigt.
351	Robert	Hoffentlich!
352	Susi	Und wo chan ich mich jetzt umzieh?
353	Robert	Wie bitte?
354	Susi	Lueged sie, das isch e Vorschrift vo de Agentur, ich muess mini Bruefschleider währed em schaffe trege.
355	Robert	Was wennd sie denn alegge?
356	Susi	Ich ha sone chliini herzigi Schoss derbi!
357	Robert	(Ungläubig) E Schoss! Und das isch alles?
358	Susi	Ja, das isch alles, mee bruchi nöd!
359	Robert	Wennd sie nöd lieber nochli mee alegge?
360	Susi	Nei – das isch de perfekti Schutz gege d Flecke.
361	Robert	Flecke!
362	Susi	Ja natürli – es paar Sprützer git's denk immer! (Zieht Schütze an und fordert Robert auf ihr zu helfen. In der Folge sieht es so aus, als würde Robert Susi von hinten versuchen zu umarmen)

6.Szene

Robert, Susi, Jaqueline, Stefan

- 363 Jaqueline **(Kommt zu Haustüre herein)**
Stör ich?
- 364 Robert **(In Gedanken versunken)**
Nei!
(Verschrickt dann)
Jaqueline! – Spaat aber schlussendlich het's doch no
klappt, jetzt isch sie endlich da. Dörf ich Dir d Susi
vorstelle? Jaqueline – Susi, Susi, das isch d Jaqueline
- 365 Stefan **(Kommt mit Einkaufstaschen zur Haustüre herein)**
- 366 Jaqueline **(Erstaunt)**
Freut mich sehr, sie kennezlerne – und das isch min Maa.
Stefan ich glaub ihr kenned üch nonig – das isch d Susi –
em Robert sini nüü Fründin!
- 367 Stefan **(Kommt herein, freut sich zuerst. Als er Susi sieht,
verzieht er sein Gesicht, geht an Robert und Susi
vorbei in die Ecke hinter Jaqueline und schüttelt in
Richtung Robert den Kopf)**
Wer isch das?
- 368 Robert Mini Fründin! **(Setzt sich dann mit Susi auf Sofa, die
ihn umarmt und ständig abschmuust)**
- 369 Stefan Neei, nei nei nei
(Schüttelt den Kopf)
Nei nei nei!
- 370 Jaqueline Stefan!
- 371 Stefan Nei, nei nei nei nei!
(Dreht fast durch)
Nei... aber au, das freut mich das mir üüs jetzt endlich
kennelearned!
- 372 Susi Hallo!
- 373 Stefan **(Versucht Robert mit verzogenen Mundwinkeln und
leise etwas zu sagen)**
Robert, Robert, Robert, das isch nöd die richtig. Das isch
ja en Maa, bisch du wansinnig, das isch ja en Maa!
Robert!
- 374 Jaqueleine Stefan!
- 375 Stefan Oei oei oei – ui – ich han en Frosch im Hals!

- 376 Jaqueline **(Sieht wie es sich Susi und Robert auf dem Sofa gemütlich gemacht haben)**
Ah lueg emal, esones schöns Päärli, ihr hends üch scho richtig gmüetlich gmacht.
- 377 Stefan **(Macht hinter Jaquelines Rücken komische Gesten und versucht Robert zu sagen, dass er die falsche Susi erwischt hat)**
- 378 Susi Ja mir sind richtig glücklich zäme, gell Robert.
- 379 Jaqueline Ich han gar nöd gwüsst, dass de Robert esone extravagante Frauegschmack het! Wie lang sind sie denn scho e Frau.
- 379a Susi Ja eietlich scho lang, ich has erst vill z spaat gmerkt!
Gell Schatz, aber mir fühled üs richtig wohl – de Robert und ich!
(Kneift Robert in die Wange)
- 380 Stefan **(Macht hinter Jaquelines Rücken weiter Faxen)**
- 381 Jaqueline **(Erwischt Stefan bei der Pantomime)**
- 382 Stefan Au, mis Chnöö – oou!
- 383 Jaqueline Stefan?
- 384 Stefan Mir hets en ganz komische Stich gee ids Chnöö – aber es gaat scho wider!
- 385 Susi Sie glaubed gar nöd wie verliebt mir sind, vom erste Augeblik a het de Blitz igschlage. Mir chänd üüs chuuum mee trenne.
- 386 Stefan **(Macht weiter Faxen und versucht Robert zu warnen)**
- 387 Jaqueline **(Zynisch)** Herzig, eifach herzig – so ich versorge d Getränk!
(Ab mit dem Einkauf in die Küche)

7.Szene

Susi, Stefan, Robert, Jaqueline

- 388 Stefan **(Zieht Jacket aus und hängt es auf. Geht dann zu Susi, die in der Mitte zwischen Stefan und Robert steht)**
Wer sind sie?
- 389 Susi Ich?
- 390 Stefan Ja sie!
- 391 Robert Das isch sie?
- 392 Stefan Wie bitte?
- 393 Robert Ja das isch sie?
- 394 Stefan Wer sie?
- 395 Robert Das isch sie – d Susi!
- 396 Stefan Was für e Susi!
- 397 Robert Ja dini Susi!
- 398 Stefan Das isch nöd mini Susi!
- 399 Robert Was? Das isch nöd dini Susi?
- 400 Stefan Nei!
- 401 Robert Doch!
- 402 Stefan Robert – das isch en Maa!
- 403 Robert Ja, das han ich au scho gmerkt!
- 404 Stefan Ich ha gseit sie gseet uus wie de Eiffelturm! Nöd wie de Kurt Aeschbacher!
- 405 Susi **(Dreht sich drohend zu Stefan)**
- 406 Stefan Exgüsi, das han ich natürlich nöd eso gmeint.
- 407 Robert Sie müend entschuldige, er isch es bitzeli nervös!
(Geht zu Stefan)
- 408 Stefan Robert! Ich ha gseit sie wird Dich verzaubere!
- 409 Robert Ja het sie au, aber ohni Geld!

410 Stefan Was heisst das jetzt wider?

411 Robert Ja gib doch zue, zu zallsch für sie!

412 Stefan **(Geht zu Susi)**
Um Gottes Wille, wer sind sie?

413 Susi Ich bi d Susi!

414 Stefan Nei das sind sie nöd!

415 Susi **(Eindringlich)**
Ich wird ja wohl wüsse wer ich bin!

416 Stefan Ja – aber sie sind nöd mini Susi!

417 Susi **(Zeigt auf Robert)**
Ich bi sini Susi!

418 Stefan Was?

419 Susi **(Zu Robert)**
Das isch es schöns Durenand! Dörf ich's bitte sege?

420 Robert Ja natürli!

421 Susi Ich bi d Susi vom Thai Catering Ankung – ich choche hüt für sie!

422 Stefan Ah sie sind d Frau vom Catering...

423 Susi Sie hend mich buecht für hüt.....

424 Stefan Ja natürli vom Thai Catering....

425 Susiich choche für sie

426 Stefan **(Gibt ihr die Hand)**
Ka klar, herzlich willkomme bi üüs....

427 Susi **(Erwidert den Gruss gleichzeitig)**
Grüezi, ich freu mich au.....

428 Stefan Ei Sekunde, ich muess schnell öppis erledige!
(Dreht sich abrupt drohend zu Robert um – Pause – dann mit ruhiger Stimme)
Du Vollpfoste!

429 Robert De isch vom Catering!

430 Stefan Ja Robert, de isch vom Catering!

431 Robert De hsch Du buecht!

432	Stefan	Ja, ich ha de buecht!
433	Robert	Oh Gott!
434	Stefan	Ja genau – Oh Gott! Jetzt meint d Jaqueline, dass de dini Susi isch!
435	Robert	(Weinerlich) Oh nei!
436	Stefan	Was mached mer jetzt wenn mini Susi chunnt?
437	Stefan/Robert	(Schauen sich kurz an und rennen dann voneinander weg – weinerlich und laut) Oh Gott!
438	Stefan	Oh Gott, Robert ich ha Angst!
439	Robert	Ich ha doch au Schiss! (Geht rechts kniend auf Sofa)
440	Stefan	Was söllled mer jetzt nur mache, wenn das d Jaqueline usefindet.... (Geht links kniend auf Sofa)
441	Susi	Entschuldigung, entschuldigung – chan ich irgendwie helfe? (Geht in die Mitte der beiden Herren und fällt auf den Bauch mit dem Gesicht auf Roberts Oberschenkel und Stefan hält sie am Füdli)
442	Stefan/Robert	Robert Stefan..... Mir müend eus schnellstens ööpis ifalle.....
443	Jaqueline	(Kommt aus Küche und erwischt alle drei in komprimierender Stellung) Jetzt bruuched mer denn glaub no es 3Bett-Zimmer!Was isch jetzt eigetlich mit de Chöchin vom Thai-Catering?
444	Susi	(Steht auf) Ich bi ja scho....
445	Robert	(Steht ebenfalls auf) Sie isch sicher scho bald da!
446	Stefan	(Steht auch auf) ...Ja bestimmt, mir hend ja alli scho sone hunger!
447	Susi	(Holt ihren Rollkoffer)ich muess jetzt id Chuchi....
448	Robert	go, go, go...go helfe choche..

449	Stefan	sie, sie Sie isch Hobbychöchin!
450	Jaqueline	Aber nei, bi üüs müend d Gäst sicher nöd choche und scho gar nöd, wemmer öpper vom Catering bstellt hend. Wüssed sie was lustig isch? D Chöchin vom Catering heisst au Susi!
451	Stefan	(Geht dazwischen) Ja, aber die heisst Susan – mit a!
452	Jaqueline	Ahh...
453	Susi	(Wütend) ...ja und ich mit i!
454	Stefan	jaa – äh – Jaqueline ich ha Dir doch gseit, d Susi isch – Model!
455	Jaqueline	Model! Wau!
456	Stefan/Robert	(Gemeinsam) Wau!
457	Jaqueline	Wie au immer – chömed sie Susi, ich zeig ihne ihres Zimmer! (Jaqueline geht ab ins Gäste-Zimmer)
458	Susi	Ich chume grad, ich muess no no ganz churz öppis kläre! (Geht zu Stefan) Was muess ich jetzt?
459	Stefan	Sie müend üüs helfe, bitte mir bruuched ihri Hilf! Sie sind hüt z Abig Model – und ganz wichtig: sini Fründin!
460	Susi	Ja aber han ich das richtig verstande: Jetzt chunnt noch e Chöchin und macht statt mir z Catering?
461	Stefan	Ja ich weiss!
462	Susi	Aber ich bi doch z Catering!
463	Stefan/Robert	(Gemeinsam) Nei – sie sind Model!
464	Stefan	Und ganz wichtig: sini Fründin!
465	Susi	OK, ich mache mit! (Streckt Hand nach Geld aus)
466	Stefan	Was isch?
467	Susi	Ja vo öppis muess es Model ja au lebe!
468	Stefan	(Nimmt 100 Franken aus Brieftasche und gibt die Note Susi)

- 469 Susi **(Steckt die Note ein und streckt Hand auch noch Robert entgegen, der ihr darauf nochmals 100 Franken gibt)**
Ja, das langed für de Afang!
(Geht Richtung Zimmer und dreht sich dann nochmals kurz um)
Ich freu mich ufe gueti Zämearbeit!
(Ab ins Zimmer)
- 470 Stefan Säg emal, bisch Du wahnsinnig!
- 471 Robert Du hesch gseit isch söll daa bliibe und d Susi kännelerne. Was chan ich denn derfür, Du hesch mir ja nüüt vonere Cateringhöchin gseit und jetzt stömmmer meterhöch im Dreck! Schieb mir das ja nöd id Schueh!
- 472 Stefan **(Sehr sauer)**
Ich schieb's Dir nöd id Schueh! Aber was sölled mer jetzt mache! Mir bruuched en Plan – irgend öppis wo nöd uffallt.
- 472 a Robert Ja, das wir schwirig – es fällt ja überhaupt nöd uuf, dass mini Fründin en Maa isch!
- 473 Jaqueline **(Kommt mit Susi aus dem Zimmer)**
Isch d Chöchin scho da?
- 474 Stefan Leider nöd!
- 475 Jaqueline Ja Prima! Also ich würd no gern vor Mitternacht esse!
- 476 Susi Wartet sie, ich hilf ihne!
- 477 Jaqueline Das isch aber lieb Susi – herzliche Dank!
(Grantig zu Robert)
So öpper hesch du gar nöd verdient!
(Jaqueline und Susi ab in die Küche)
- 478 Robert **(Klatscht in die Hände)**
Bravo Stefan – jetzt bin ich de Liebhaber vo einere, wo villicht no z grössere Gschlächtsteil het als ich!
Und das alles wege Dir – Bravo – hesch guet gmacht!
(Es läutet)

8.Szene

Stefan, Robert, Susan

- 479 Stefan/Robert **(Beide erschrecken und dann laut)**
Das isch sie – das isch sie d Susi!
- 480 Stefan **(Öffnet Haustüre, Robert geht zur Seite rechts)**
Hoi Müüsli!
- 481 Susan **(Stürmt mit Nerzmantel herein)**
Schatzi, Schmuusebär - ich han dich soo vermisst!
(Umarmt und verschmust Stefan)
- 482 Stefan Ja, Ja, chumm.... Ich muess.....
(Susan lässt Stefan kaum los – dieser entreisst isch)
Müüsli mir müend uufpasse – ich ha Dir doch gschriben...
mini Frau isch da!
- 483 Susan **(Hat Robert noch gar nicht gesehen)**
Ach chumm, schick doch die endlich weg!
- 484 Stefan Ich würd ja gern, aber es gaat nöd! Sie will eifach nöd furt
und drum muesch Du mir helfe!
Chumm, zieh z erst emal de Mantel ab!
- 485 Susan ...ja, aber pass mer ja uuf mit dem Mantel!
- 486 Stefan Aber natürlig – ich weiss ja schliesslich was er kostet het!
- 487 Susan OK, was mach ich jetzt eigetlich da!
- 488 Stefan Entschuldigung – dörf ich vorstelle: Das isch de Robert –
Robert - das isch d Susan!
- 489 Robert/Susan **(Gehen aufeinander zu und erschrecken)**
- 490 Susan Robert!!
- 491 Robert Su...Su..Su....Susan!
- 492 Stefan Kenned ihr üüch?
- 493 Susan Ja!
- 494 Robert Nei!
- 495 Susan nur flüchtig!
- 496 Robert Ja, nu....nu... nur flüchtig!
- 497 Stefan **(Geht zu Susan, nimmt sie wieder in den Arm)**
Also los – ich weiss, dass mir miteneand dine Geburtstag

- hend welle fiire. Und das mached mer au no!
- 498 Susan Versproche?
- 499 Stefan Ja natürli – versproche! Aber will mini Frau sich eifach nöd abwimmle laa, hemmer en Plan!
- 500 Susan **(Macht es sich auf dem Sofa gemütlich)**
Also guet – denn kiff ich jetzt z erst emal eis und denn lueged mer wiiter!
- 501 Stefan **(Peinlich berührt)**
Äh, Müüsl, wettsch mit em Kiffe nöd noch e chlei warte?
(Kleine Pause)
De Plan vom Robert und mir isch ebe es bitzeli durenand grate!
- 502 Susan Und was heisst das?
- 503 Stefan **(Setzt sich zu Susan auf's Sofa)**
Also los, es isch folgendes. Du bisch jetzt nümme d Fründin vom Robert!
- 504 Susan Guet – super – und wieso nöd?
- 505 Stefan De Robert het sich spontan verliebt – er het scho e Fründin!
- 506 Susan **(Schaut Robert enttäuscht an)**
Ah, wer hetti das denkt?
- 507 Stefan Tja – wer hetti das denkt!
- 508 Susan Und... wer isches!
- 509 Robert **(Entnervt)**
....de Kurt Aeschbacher.....
- 510 Susan Wie bitte?
- 511 Stefan Neeei – d Chöchin!
- 512 Susan Was fürne Chöchin?
- 513 Stefan Ja d Chöchin, wo für üüs zwei hetti sölle choche hüt z Abig! Los mer bitte zue: D Chöchin isch jetzt eso quasi das, wo du hüt z Abig hettisch sölle sii!
- 514 Susan OK? – Und was bin ich jetzt?
- 515 Stefan Äh...äh.... Du bisch jetzt.....
(Küsst reuig ihre Hand)
Du bisch.... ähh wettsch nöd eis kiffe zur Beruhigig?

- 516 Susan Nei – jetzt würd ich eigentlich ganz gern wüsse, was da gspilt wird!
- 517 Stefan Los Schatz, reg Di nöd uuf, Du bisch für hüt üsi Chöchin!
- 518 Susan **(Steht auf)**
Gaats eigentlich no – bisch jetzt völlig duregschnappt! Ich bi doch kei Chöchin – das chasch total vergesse....

NICHT KOPIEREN

9.Szene

Jaqueline, Stefan, Robert, Susan, Susi

- 519 Jaqueline **(Kommt aus der Küche)**
Ah, da sind sie ja endlich!
- 520 Stefan **(Zu Jaqueline)** Wenn sie z spaat chömed, müessti me
eigentlich d Agentur verständige – oder?
- 521 Susan **(Grantig)** Sie hettet mich ja chöne abhole?
- 522 Jaqueline Mir wartet jetzt sicher scho fast e Stund uf sie!
- 523 Susan **(Mit Unterton)** Das tuet mit jetzt aber leid, dass sie so
lang hend müesse uf mich warte!
- 524 Jaqueline Also guet, chömed sie mir müend vorwärts mache. Hend
sie alles derbii?
- 525 Susan Für was?
- 526 Stefan **(Macht Geste als würde er mit einem Kochlöffel in der
Pfanne rühren)**
- 527 Jaqueline **(Genervt zu Stefan)**
Gaat's?
(Zu Susan)
Ja denk zum Choche natürli!
- 528 Susan Acho soo, ja klar. Aber alles won ich derbii han, isch da
drin.
(Gibt Stefan die äusserst kleine Handtasche)
- 529 Jaqueline Det inne?
- 530 Stefan **(Begutachtet erstaunt die Tasche und öffnet sie)**
Bhuaaa – läck mir – wie wiit die Technik hüt zu Tags scho
isch! Ach – das isch natürlich nur en Spass gsii!
**(Geht zum Rollkoffer von Köchin Susi und gibt ihn
Susan)**
Sie hend ja alles derbii – sie sind mer en schöne
Schlaumeier! Tja – uf jede Fall freued mer eus dass d
Chöchin jetzt da isch!
(Laut)
Es git kein Grund sich uufzrege! Das git en sehr schöne
Abig oder Robert!
- 531 Robert **(Weinerlich)**
Ja, das wird en sehr schöne Abig.....

532	Jaqueline	Also, denn chömed sie jetzt bitte id Chuchi.
533	Susan	(Nimmt ihren Mantel)
534	Jaqueline	Das isch aber en wunderschöne Mantel! Ghört de ihne?
535	Susan	(Wartet einen Augenblick, schaut zu Stefan) Nei natürli nöd, ich hane mit mim Täschli verwechsled, wie blöd vo mir! (Gibt Stefan den Mantel und nimmt ihre Tasche)
536	Stefan	Ja, das isch würllich blöd – det sind ja alli Gwürz drin – wär dumm wenn sie würd de Mantel id Suppe tue!
537	Jaqueline	(Begutachtet den Mantel) Läck, de isch ja wunderschön, de muess es Vermöge kostet haa!
538	Stefan	(Stolz) Jaa – 10 Tuusig Franke – das isch en Roberto Cavalli Mantel! (Schaut erstutzt ins Publikum)
539	Jaqueline	Interessant, woher weisch du das?
540	Stefan	Vom RobertO!
541	Jaqueline	Cavalli!
542	Stefan	...nei....vom Robert.....! Das isch nämlich em Robert sin Mantel! Robert – das isch din Mantel – de hesch du de Susi zum Geburtstag kauft... (Wirft den Mantel Robert zu, der die Lügerei kaum fassen kann)
543	Robert	Ja genau! Das isch de Geburtstagsmantel vo de Susi!
544	Susi	(Kommt mit Schürze aus Küche) Ja, was isch?
545	Jaqueline	Sie werdeds chuume glaube, aber d Chöchin isch jetzt doch no uuftraucht! Sie chänd ihre jetzt d Schürze gee!
546	Susi	Neei!
547	Stefan	Doch – sie isch e Chöchin, sie bruucht e Schürze!
548	Susi	Also guet! Vill Vergnüege!
549	Susan	(Ab in die Küche)

550 Stefan So Susi – denn nennd sie doch jetzt bitte ihre Mantel, wo
ihne de Robert zum Geburtstag gschenkt het und gönd
sie i ihres Zimmer....

551 Susi Welle Mantel?

552 Robert **(Holt den Mantel und zieht ihn Susi an)**

553 Susi Wau – de isch aber schön!

554 Robert Ich weiss doch was Dir staat!
**(Bringt Susi ins Gäste-Zimmer und bleibt im
Wohnzimmer)**

555 Jaqueline **(Sitzt auf Sofa)**
Also ich muess üch öppis sege – ich finde die Chöchin
total arrgoant und dernebed!

556 Stefan Neei – ich find sie herzig und sehr fründlich!

557 Jaqueline Ach chumm hör doch uuf. Die gseet us wiene Prostituierti!

558 Stefan Was?

559 Robert **(Steht neben Jaqueline rechts hinter Sessel und fängt
laut an zu lachen)**

560 Jaqueline A Dinere Stell würdi gar nöd eso blöd lache – Dis
Supermodel gseet au nöd vill besser uus!
(Ab in die Küche)

561 Stefan **(Fängt ebenfalls laut an zu lachen, stockt dann aber,
weil Jaqueline nochmals drohend zurückschaut)**

562 Robert **(Nervös)** Stefan was machsch Du? Das gaat doch alles
nöd uuf!

563 Stefan Bliib ganz locker, mir hend alles im Griff – mir hend alles
was mer bruuched!

564 Robert Was hemmer?

565 Stefan Ja mir hend e Chöchin und mir hend es Model!

566 Robert Ja genau – mir hend es Model die isch eis achzg und cha
nöd choche und denn hemmer e Chöchin, wo en Maa
isch und nöd cha modle das flüügt doch alles uuf!

567 Stefan Nüüt flüügt uuf, wenn jede weiss um was es gaat!

568 Susi **(Kommt aus dem Zimmer)**

Entschuldigung.... Um was gaats jetzt eigetlich?

- 569 Stefan Das sött ihne jetzt aber langsam klar sii! Sie sind Model und d Fründin vom Robert und jetzt söttet sie dringend id Chuchi go helfe, suscht git's hüt nämlich gar nüüt mee. Und lönd sie sich uf kein Fall öppis amerke – alles muess eso uusgsee, wie wenn die ander Susi würd choche.
- 570 Susi Also guet, aber ich bruuch ich ihri Hilf!
(Packt Stefan am Kragen und zieht ihn in die Küche)

NICHT KOPIEREN

10.Szene

Robert, Stefan, Jaqueline, Susi, Susan

- 571 Robert **(Setzt sich verzweifelt aufs Sofa und legt den Kopf in die Hände)**
Das flüügt alles uuf – was söll ich nur mache – das flüügt alles uuf!
- 572 Jaqueline **(Kommt aus Küche und geht zu Robert – Robert steht auf)**
Du Casanova! Was bildisch du dir eigentlich ii? Hesch du würllich z Gfühl, dass ich das nötig ha?
- 573 Robert Jaqueline – es isch nöd so wie's uusgseet!
- 574 Jaqueline Du Schwii! Und denn no mit eme Maa – mir gruuseds!
(Gibt Robert eine Ohrfeige und geht ab in ihr Schlafzimmer)
Das het Konsequenze!
- 575 Robert **(Setzt sich verzweifelt wieder aufs Sofa)**
- 576 Susan **(Kommt aus Küche)**
Seg emal was isch das fürne Schmierekomödie wo du da mitspillsch?
- 577 Robert Und was machsch denn du da hä? Ich warte sit Tage ufes Lebeszeiche vo Dir und du gaasch hinder mim Rugge mit dem ids Bett!
- 578 Susan **(Sorry)** Wenn der Herr nöd weiss was er will, isch de Speck halt weg, bevor ne d Muus gfange het!
- 579 Robert Ja aber, ich ha di doch gern....
- 580 Susan **(Laut)**
Bis ruhig – du hesch dini Chance ghaa – das isch alles dini Schuld!
(Gibt ihm eine Ohrfeige und geht wieder ab in die Küche)
- 581 Robert **(Hält sich verzweifelt die Wange)**
- 582 Stefan **(Kommt aus der Küche und reibt sich siegessicher die Hände)**
Hä haa – mir hend alles im Griff – es läuft wie am Schnüerli!
- 583 Robert **(Steht wütend auf und geht auf Stefan los)**
Ich seg ders – ich drei Dir de Grind um.....
- 584 Stefan **(Läuft davon, Robert holt ihn ein und geht ihm an die**

Gurgel)

585

Stefan

Robert beruhig di!

Licht aus - Vorhang

NICHT KOPIEREN